

**MINISTARSTVO ZA OBRAZOVANJE,
NAUKU, KULTURU I SPORT**

910.

Na osnovu člana 18. stav (1) Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), a u vezi sa članom 24., 28. i 38. Zakona o osnovnoj školi („Službene novine Zeničko-dobojskog kantona“, broj: 3/18), te člana 6. stav (2) i (5) Pravilnika o osnivanju i radu eksperimentalnih osnovnih škola i uslovima obavljanja pedagoško-metodičke prakse u vježbaonici („Službene novine Zeničko-dobojskog kantona“, broj: 7/23), Ministarstvo za obrazovanje, nauku, kulturu i sport Zeničko-dobojskog kantona donosi:

ODLUKU**o primjeni eksperimentalnog Nastavnog plana i
okvirnog programa u osnovnoj školi****Član 1.****(Predmet odluke)**

Ministarstvo za obrazovanje, nauku, kulturu i sport Zeničko-dobojskog kantona, (u daljem tekstu: „Ministarstvo“), donosi Odluku o primjeni eksperimentalnog Nastavnog plana i okvirnog programa u osnovnoj školi u školskoj 2024/2025. godini.

Član 2.**(Struktura Nastavnog plana i okvirnog programa)**

Nastavnim planom i okvirnim programom za osnovne škole utvrđena je predmetno-planska struktura i nastavni programi od prvog do devetog razreda osnovne škole koji obuhvataju: opis predmeta, ciljeve učenja i podučavanja predmeta, odgojno-obrazovne ishode, učenje i podučavanje, te profil i stručnu spremu nastavnika koji mogu realizovati nastavu iz pojedinih nastavnih predmeta.

Član 3.**(Početak primjene)**

Nastavni plan i okvirni program za osnovne škole, iz člana 2. ove odluke, primjenjivat će se prema sveobuhvatnom pristupu, u prvom, drugom, šestom i sedmom razredu osnovne škole koji su ovom odlukom uključeni u eksperimentalnu fazu primjene, u školskoj 2024/2025. godini.

Član 4.**(Škole u kojima se primjenjuje eksperimentalni
Nastavni plan i okvirni program)**

Primjena eksperimentalnog Nastavnog plana i okvirnog programa za osnovne škole, iz člana 2. ove odluke, realizovat će se u svim redovnim osnovnim školama čiji je osnivač Skupština Zeničko-dobojskog kantona, kao i privatnim redovnim osnovnim školama koje rade po Nastavnom planu i okvirnom programu Zeničko-dobojskog kantona.

Član 5.**(Obaveze Ministarstva i Pedagoškog zavoda)**

Obaveze Ministarstva i Pedagoškog zavoda utvrđene su Pravilnikom o osnivanju i radu eksperimentalnih osnovnih škola i uslovima obavljanja pedagoško-metodičke prakse u vježbaonici („Službene novine Zeničko-dobojskog kantona“, broj: 7/23).

Član 6.**(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se u školskoj 2024/2025. godini.

Broj: 10-34-14741-2-03/24

Datum, 23.08.2024. godine

Zenica

MINISTAR**Mirza Mušija, s.r.**
.....